




Republika e Kosovës  
Republika Kosovo  
Republic of Kosovo



Komuna e Istogut  
Opshtina Istok  
Municipality of Istog

00 Numër: 47/2020  
Data: 30.07.2020

<http://kk.rks-gov.net/istog/>

### Rregulllore Komunale Nr.1/2020

#### KUVENDI I KOMUNËS

#### KODI I ETKËS PËR ZYRTARËT E KOMUNËS SË ISTOGUT

KORRIK - 200

## KODI I ETIKËS

Në bazë të nenit 11, nenit 12 paragrafi 12.1 pika c), dhe nenit 40 paragrafit 40.2 pika a) të Ligjit për Vetëqeverisjen Lokale Vetëqeverisjen Lokale Nr.03/L-040 (Gazeta Zyrtare e Republikës së Kosovës Nr.28/2008) dhe në bazë të nenit 68 paragrafi 68.1 pika 8 të Statutit të Komunës 01 Nr.55/14 datës 31.07.2014, dhe duke u mbështetur në këto ligje dhe akte nën ligjore:

Ligi për Zyrtarët Publikë Nr. 06/L - 114 (Gazeta Zyrtare E Republikës Së Kosovës / Nr. 8 / 11 Mars 2019, Prishtinë), Ligji Nr. 04/L-051 Për Parandalimin e Konfliktit të Interesit në Ushtrimin e Funksionit Publik (Gazeta Zyrtare e Republikës së Kosovës / Nr. 16 / 14 Shtator 2011, Prishtinë)si dhe në Udhëzimin Administrativ Nr.04/2008-MASHP për Veshjen dhe Paraqitjen e Nëpunësit Civilë, Rregullorja Nr.05/2010 e Orarit të Punës, dhe Rregullorja (QRK) - Nr. 04/2015 për Kodin e Mirësjelljes në Shërbimin Civil të Republikës së Kosovës, në mbledhjen e mbajtur me datë: 30.07.2020, miratoi këtë:

### Neni 1 Qëllimi

Ky Kod ka për qëllim të përcaktojë rregullat e sjelljes për zyrtarët e komunës sipas rregullave dhe standardeve të vendosura në përpjthje me frymën e etikes profesionale dhe morale të komunës. Kodi synon zhvillimin e kulturës organizative të punës brenda institucionit për të forcuar dhe promovuar parimet bazë etike që do të zbatohen nga zyrtarët e komunës.

### Neni 2 Fushëveprimi

Dispozitat e Kodit të Etikës zbatohen për të gjithë zyrtarët e komunës si: zyrtaret civil, zyrtaret politik, stafi mbështetës në komunë, zyrtar për kryerjen e punëve me kontrata të veçanta, zyrtaret e mirëmbajtjes, pastruesit, sigurimi, (punëtoret teknik) praktikantët, si dhe të gjithë ata personat që janë me detyrë zyrtare në komunë. Të gjithë zyrtaret gjatë ushtrimit të funksioneve, detyrave ose kompetencave publike në bazë të legislacionit në fuqi.

### Neni 3 Përkufizimet

1. Shprehjet e përdoruar në këtë Kod kanë këto kuptime:

1.1 **Zyrtari politik** - është çdo zyrtar i zgjedhur për kryetar të komunës, anëtarë i kuvendit të komunës, drejtor i drejtive dhe stafi mbështetës i tyre.

1.2 **Zyrtari publik** - përfshin zyrtarët siç përcaktohet në paragrin 2 i nenit 2 të Ligjit Nr. 06/L - 114 për Zyrtarët Publikë.

Zyrtarë publikë janë:

nëpunësi i Shërbimit Civil (në tekstin në vijim: nëpunësi civil); nëpunësi i Shërbimit Publik; nëpunësi i Kabinetit; dhe nëpunësi administrativ dhe mbështetës.

1.3 *Zyrtari i komunës* - përfshin të gjithë të punësuarit në komunë si në paragrafin 1.1 dlie 1.2 të këtij neni.

1.4 *Interes publik* - interes material ose jomaterial i ligjshëm dhe i drejtë në dobi të qytetarëve.

1.5 *Interes privat i personit zyrtar* – nënkuption çfarëdo përparësie për personin zyrtar, familjen e tij/saj, të afërmit, miqtë dhe personat apo organizataat me të cilat ai ka pasur apo ka marrëdhënie afariste.

1.6 *Person zyrtar* - nënkupton çdo person tjeter të zgjedhur ose të emëruar në një organ shtetëror si dhe personat zyrtarë të përcaktuar sipas Kodit-Penal të Republikës së Kosovës që ushtronjë detyra publike dhe që nuk përfshihen në nën-paragrafin 1.3. të këtij neni.

1.7 *Person i afërm me zyrtarin* – është bashkëshorti/bashkëshortja ose personi që bashkëjeton, të afërmit në vijë të drejtë të gjakut pa kufizime, të afërmit në vijë të tërthortë deri në shkallën e katërt, adoptuesi, i adoptuari, i afërm i një gjini të krushqisë deri në shkallën e dyte si dhe çdo person fizik apo juridik i cili ka pasur ose ka një lidhje të përbashkët interesit privat pasuror ose zyrtarin.

1.8 *Autoritetet përgjegjës* - për parandalimin e konfliktit të interesit në institucione janë: udhëheqësit e drejtpërdrejtë të zyrtarëve sipas hierarkisë brenda një institucioni, institucionet dhe autoritetet udhëheqëse sipas ligjit, apo personat të cilëvë iu është besuar kompetenca për të shqyrtuar rastet e konfliktit të interesit në institucionin përkatës.

1.9 *Nepotizëm* – përkrahje a favorizim i farefisit e i miqve duke e shpërdorur pushtetin.

1.10 *Vendimmarrje* – çasti i fundit i procesit vendimmarrës gjatë të cilit vendoset përbajtja përfundimtare e aktit apo kontratës si dhe ato çaste paraprake të vendimmarrjes të cilat janë thelbësore dhe përcaktuese në të cilat pjesëmarija, ndikimi dhe qëndrimi i zyrtarit përcaktojnë përbajtjen përfundimtare të aktit apo kontratës si dhe çdo veprim i zyrtarit në ushtrimin e funksionit publik.

1.11 *Aktivitetet e jashtme* - kuptojmë çdo lloj angazhimi të rregullt ose të kohë-paskohëshëm jashtë institucionit me pagesë ose pa pagesë që bën zyrtari i komunës.

#### Neni 4

#### Rëndësia e interesit publik ndaj interesit privat

Zyrtari i komunës duhet të ushtrojë detyrën në përputhje me ligjin, duke udhëhequr nga interesat publike dhe jo interesat personale, partiakë apo private. Ai duhet të shmangë përdorimin e detyrës; për qëllime të cilat nuk kanë bazë ligjore, nuk janë të ndonjë interes publik apo etikes.

**Neni 5**  
**Respektimi i vullnetit zgjedhor të qytetarëve**

1. Zyrtari politik, duhet të kryejë detyrat në përputhje me mandatin e dhënë nga elektorati dhe të mbrojë interesin e përgjithshëm.
2. Zyrtari politik duhet të respektoj vullnetin e votuesve deri në fund të mandatit duke zbatuar programin politik, si dhe të shmangë ndërrimin e partisë gjatë ushtrimit të mandatit.

**Neni 6**  
**Paanshmiëria dhe pavarësia**

1. Zyrtari i komunës gjatë ushtrimit të detyrës duhet të jetë i pavarur dhe i paanshëm.
2. Zyrtari i komunës duhet të distancohet nga çdo veprim arbitrar që e cenon interesin publik si dhe nga çdo trajtim preferencial mbi çfarëdo baze.

**Neni 7**  
**Veshja dhe paraqitja e zyrtarit të komunës**

1. Veshja dhe paraqitja e zyrtarit të komunës duhet të jetë në mënyrën e duhur dhe të përshtatshme, duhet t'i përgjigjet vendit dhe natyrës së punës si dhe të mos dëmtojë reputacionin e institucionit.
2. Veshja e papërshtatshme konsiderohet, sidomos:
  - 2.1 veshja transparente;
  - 2.2 përmeshkujt: pantallonat e shkurt ose pantallona të tjera që shtrihen mbi kyçin e këmbës kur qëndrojnë në këmbë, bluza / këmisha pa jakë, pa mëngë dhe me ngjyra të pazakonta;
  - 2.3 përfemra: bluza / këmisha shumë të hapur përrreth qafe, apo këmisha ose bluza të shkurtra që shihet barku- beli, që ekspozon në masë të madhe lëkurën dhe që është pa mënge, funde ose pantallona të shkurtra që shtrihen mbi gjunjë kur qëndrojnë në këmbë.

- 2.4 veshja sportive, mbishkrimi i përmasave të mëdha në veshje, simboli që mund të jetë ofendues në çdo bazë, si dhe mbajtja e kapelës në ambientet e punës.
3. Zyrtarit të komunës nuk i lejohet të ketë tatuazhe në pjesë të dukshme të trupit dhe të ketë pjesë të shpuar të trupit përveç veshëve.
4. Çdo zyrtar i komunës,është i obliguar të bartë në vendin e dukshëm kartelën identifikuuese të institucionit që përfaqëson gjatë orarit të punës.

Neni 8

Marrëdhëniet me publikun dhe koleget e punës

1. Zyrtari i komunës në kryerjen e detyrave dhe përgjegjësive duhet të veprojë ndaj qytetarëve me mirësjellje, respekt dhe pa diskriminim.
2. Zyrtari i komunës në kryerjen e detyrave, duhet të respektojë të drejtat e të gjithë zyrtarëve të tjerë të komunës. Duhet të trajtojë me mirësjellje, respekt dhe pa diskriminim publikun, koleget dhe mediat. Nuk duhet të inkurajojë dhe të ndihmojë zyrtarët e komunës në mos respektimin e parimeve të parashikuara me këtë Kod gjatë ushtrimit të detyrave.
3. Komunikimi me media dhe kërkesa për qasja në dokumente publike do të bëhet në pajtim me ligjet në fuqi dhe Rregulloren për organizimin dhe sistematizimin e brendshëm.

## KREU II

### PARIMET E SJELLJES SË ZYRTARIT TË KOMUNËS GJATË USHTRIMIT TË FUNKSIONIT ZYRTARË

#### Neni 9

##### Parimi i ligjshmërisë në punë

Gjatë ushtrimit të detyrave dhe përgjegjësive, të gjithë të punësuarit në komunë janë të detyruar të respektojnë Kushtetutën, ligjet dhe aktet e tjera nënligjore.

#### Neni 10

##### Integriteti

Zyrtari i komunës duhet të veprojë me profesionalizëm dhe paanshmëri për interesin e përgjithshëm të publikut si dhe të forcojnë besimin dhe mbështetjen në institucionë.

#### Neni 11

##### Mosdiskriminimi

1. Zyrtari i komunës duhet të shhangë çdo lloj diskriminimi të drejtpërdrejtë apo të tërthortë në bazë të përkatësisë etnike, racës, gjinisë, gjuhës, fesë, mendimeve politike, aftësisë së kufizuar ose ndonjë statusi tjetër personal.

2. Zyrtari i komunës duhet të trajtoj me respekt të gjithë individët ose subjektet duke respektuar të drejtat dhe detyrimet e tyre në pajtim me legjislacionin në fuqi.

#### Neni 12

##### Transparencë

1. Zyrtari i komunës duhet të promovojë çdo masë që nxit transparencën në lidhje me kompetencat, detyrat dhe funksionimin e shërbimeve dhe njësive nën përgjegjësinë e tyre.

2. Zyrtari i komunës duhet të sigurojë që publikut ti ofrohet transparencë dhe qasje në informata në përputhje me legjislacionin dhe rregullativën komunale. Zyrtari i komunës duhet të ketë dijeni dhe të veprojë në përputhje me detyrimet e tyre sipas akteve nënligjore në fuqi për transparencë.

**Neni 13**

**Efikasiteti dhe efektiviteti**

Zyrtari i komunës duhet të siguroj zbatimin e thjeshtë dhe ekonomik të rregullave dhe procedurave administrative për përbushjen e objektivave të administratës komunale për interesin publik dhe në të mirë të administratës komunale.

**Neni 14**

**Konflikti i interesit**

1. Konflikti i interesave është situata në të cilën një zyrtar i komunës ka një interes personal të tillë, që ndikon ose mund të ndikojë në ligjshmërinë, transparencën paanshmërinë ose objektivitetin e kryerjes së detyrës.
2. Interesat personale përfshijnë çdo përfitim për veten, apo familjen nga ushtrimi i funksionit.
3. Zyrtari i komunës duhet të mos lejojë që interesat private të bien ndesh me detyrën që ushtron, të sqarojë dhe shmangë çdo lloj forme veprimi apo sjelljeje, që mund të duket apo të përceptohet si konflikt interesi me detyrën që ushtron, dhe të mos shfrytëzojë asnjëherë pozitën për interesin privat.
4. Zyrtari i komunës nuk duhet të përdor pozitën, kompetencat apo detyrat zyrtare për përfitim financiar ose material për veten, personin e afërm, ose ndonjë organizatë private apo publike në të cilën kanë interes të drejtpërdrejt apo tërthortë.
5. Kryetari dhe Nënkryetari i komunës, Kryesuesi dhe anëtarët e kuvendit të komunës, drejtorët e drejtive të komunës dhe zyrtarët e tjere të administratës të komunës si dhe stafi mbështetës në Komunë, të cilët janë subjekte të këtij kodi, duhet të deklarojnë konfliktin e interesit dhe në ato raste të tërhiqen nga vendimmarrja.

**Neni 15**

**Nepotizmi**

1. Zyrtar i komunës duhet, në çdo rast dhe me çdo kusht, të shmangë, të kundërshtoj ndërhyrje, veprime, apo të favorizojë nepotizmin.
2. Zyrtari i komunës nuk duhet të merr pjesë, qoftë individualisht ose si anëtarë grupei, në vendimmarrje veçanërisht për të emëruar, punëuar, ngritur në detyrë, disiplinuar ose shkarkuar personin e afërm në çfarëdo pozicioni brenda komunës.
3. Zyrtari i komunës nuk duhet të mbikëqyrë personin e afërm në ushtrimin e kompetencave ose funksioneve zyrtare.

**Neni 16**  
Fushata zgjedhore

- 1.Zyrtari i komunës gjatë fushatës zgjedhore që kandidon për kryetar komune apo anëtarë të kuvendit të komunës, duhet të sillet me ndershmëri. Kandidati nuk duhet të siguroj vota përmes shpisjes ndaj kandidatëve të tjerë, përmes dhuiës, kërcënimit, ofrimit të parave, këmbimit të votës me premtimë të paligjshme punësimi apo interesa të tjera.
- 2.Zyrtari publik nuk duhet të marr pjesë në aktivitete politike përfshirë fushatën zgjedhore gjatë orarit zyrtar të punës.
- 3.Kandidati për kryetar komune apo kandidati për anëtarë të kuvendit të komunës në asnjë rrethanë nuk mund të përdorë fonde apo asete publike për qëllim të fushatës zgjedhore.
- 4.Zyrtari i komunës në asnjë rrethanë nuk mund të përdorë fonde apo asete publike për qëllim të mbështetjes së fushatës zgjedhore të ndonjë kandidati apo partie politike.

**KREU III**

**DETYRIMET DHE KUFIZIMIT E ZYRTARIT TË KOMUNËS**

**Neni 17**  
**Detyrimet e zyrtarit të komunës**

1. Zyrtari i komunës gjatë kryerjes së detyrës, në zbatim të parimeve të përcaktuara në këtë Kod, duhet:
  - 1.1 të promovojë interesat më të mira të komunës;
  - 1.2 të kontribuojë në përm bushjen e misionit dhe realizimit të vlerave të komunës;
  - 1.3 të ruajë respektin dhe besimin e publikut ndaj komunës;
  - 1.4 të shfaqe integritet personal, ndershmëri dhe përgjegjësi në të gjitha veprimet e tij/sajë, brenda dhe jashtë institucionit.
  - 1.5 të sigurojë një mjedis të respektit reciprok, të paanshmërisë dhe bashkëpunimit;
  - 1.6 të ruajë fshehtësinë e të gjitha çështjeve që konsiderohen konfidenciale sipas legjisacionit dhe rregullativës komunale ;
  - 1.7 të demonstrojë përkujdesje ndaj pronës dhe burimeve të komunës;
  - 1.8 të respektojë orarin e punës;
  - 1.9 të ruajë një paraqitje serioze gjatë orarit të punës, që përfshin veshje serioze e dinjitoze, përdorim i një fjalori të zgjedhur brenda normave të etikës e të sjelljes qytetare;
  - 1.10 të zbatojë me korrektësi detyrën në përputhje me legjisacionin në fuqi;
  - 1.11 të shmangë rastet ku ka konflikt interesash sipas legjisacionit në fuqi, duke e deklaruar pranë autoritetit përgjegjës, apo të jenë në dijeni. Kur ekzistojnë konflikte të tillë, zyrtari është i detyruar të tërhiqet nga proceset vendimmarrëse ose aktivitete të ngjashme;
  - 1.12 të mos lejojë që marrëdhëniet personale të prekin marrëdhëniet profesionale;
  - 1.13 të mos kërkojë dhe të mos pranojë asnjë formë privilegji, përfitime, ndërhyrje, favorizime, pagesa apo dhurime, nga persona të tjera, që kanë për qëllim marrjen e rezultateve favorizuese, të merituara;

1.14 të mos bëjë dallime ndër vartës apo kolegë për shkak të njohjeve apo preferencave personale;

1.15 të mos bëjë dhe të mos bëhet pre i ngacmimeve të te gjitha formave nga persona të tjerë për shkak të punës, për qëllime që bien në kundërshtim me këtë kod, aktet ligjore dhe nënligjore në fuqi, si dhe me normat morale;

1.16 me veprimet e tij/saj të mos sjellë cenime të dinjitetit, personalitetit dhe të figurës profesionale, mendimeve profesionale të kolegëve dhe titullarëve në komunë;

1.17 të mos konsumojë pije alkoolike, duhan apo substanca tjera të ndaluarë me ligj në injediset e komunës (brenda objektit të komunës);

**Neni 18**  
**Vendimmarrja**

1. Zyrtari i komunës, gjatë procesit të vendimmarrjes, duhet të marrë në konsideratë kërkesat dhe propozimet e qytetarëve të shprehur në debatet publike ose në forma tjera të përcaktuar me legjislacionin në fuqi.

2. Zyrtari i komunës në marrjen e një vendimi, nuk duhet t'i shërbejë interesave private, të personave të afërm apo grupeve të ndryshme me qëllim të përfitimit personal direkt apo në mënyrë të tërthortë.

**Neni 19**  
**Deklarimi i konfliktit të interesit**

1. Kur një zyrtar i komunës, gjatë procesit vendimmarrës është subjekt i një interesit privat dhe mund të ndikohet nga çështja në shqyrtim, ai bën deklaratë me shkrim dhe e dorëzon pranë autoritetit përgjegjës, në përputhje me procedurën e paraparë në ligjin për parandalimin e konfliktit të interesit .

2. Autoriteti përgjegjës për konfliktin e interesit brenda institucionit të komunës mbanë një regjistër të veçantë për rastet e deklarimit të konfliktit të interesit, trajtimit dhe në formë të raportit vjetor i dërgon në Agjencinë kundër Korruptionit.

3. Zyrtari i komunës nuk ka të drejtë të votojë për një vendim ose dokument tjetër të politikave të komunës kur ka konflikt interesit dhe as të promovojë vendime ose interesa për shpërblim apo përfitime të drejtpërdrejtë ose të tërthorta;

## **KODI I ETIKËS**

4. Kryetari dhe Nënëkryetari i komunës, kryesuesi dhe anëtarët e kuvendi të komunës, si dhe drejtorët e drejtive të komunës me marrjen e mandatit plotësojnë një deklaratë për ekzistimin apo jo të konfliktit të interesit.
5. Deklarata e plotësuar është dokument zyrtar dhe publikohet në faqen zyrtare të komunës, me të dhënat personale të redaktuara, në përputhje me legjislacionin në fuqi.

### **Neni 20**

#### **Parandalimi i korruptionit dhe sjelljeve jo etike**

1. Në kryerjen e detyrave, zyrtari i komunës duhet të shmanget nga çdo sjellje, që është në kundërshtim me këtë kod të etikës dhe që kualifikohet si korruption ose sjellje jo etike.
2. Zyrtari i komunës angazhohet në luftimin e korruptionit dhe sjelljeve jo etike në çfarëdo forme në komunë.
3. Zyrtari i komunës që lajmëron veprimet ose praktikat e dyshuara të korruptionit në vendin e punës, i garantohet mbrojtja sipas legjislacionit në fuqi. Zyrtari i komunës zbaton masat për nxitjen e lajmërimit të veprimeve ose praktikave të dyshuara të korruptionit në komunë.

### **Neni 21**

#### **Parandalimi i marrjes së dhuratave dhe favoreve**

1. Zyrtari i komunës nuk duhet të kërkojë ose të pranoj dhurata mbi vlerën e parashikuar ligjore apo favore tjera për vete dhe tò afërmët, lidhur me ushtrimin e funksionit të tij/saj.
2. Dhuratat që kanë vlera artistike dhe historike që administrohen nga ana e komunës dhe mund të ekspozohen, mbesin pronë e komunës.
3. Dhuratat dhe përfitimet e ngjashme sipas këtij neni, deklarohen brenda 5 ditëve dhe registrohen në një regjistër të posaçëm, pranë autoritetit përgjegjës.
4. Zyrtari i komunës duhet të informojë eprorin e tij/saj të drejtpërdrejtë ose organin mbikëqyrës me shkrim nëse ofrohet ose jepet ndonjë dhuratë pa paralajmërim apo në rrethana të veçanta.

### **Neni 22**

#### **Mbikëqyrja financiare**

Zyrtari i komunës duhet të veprojë me kujdesin e duhur në menaxhimin dhe vënien në përdorim të fondeve publike. Zyrtari duhet të respektojë disiplinën buxhetore dhe financiare, që kërkon administrimin e duhur të fondeve publike, konform legjislacionit në fuqi.

**Neni 23**  
Shfrytëzimi i burimeve komunale

1. Burimet komunale duhet të shfrytëzohen për qëllime të ligjshme komunale. Burimet komunale përfshijnë, por nuk kufizohen në personelin e komunës dhe paratë e komunës, automjetet, pajisjet, materialet, furnizimet apo pronat e tjera.
2. Zyrtari i komunës nuk duhet të shfrytëzoj ose të lejoj shfrytëzimin e burimeve komunale për qëllime personale apo private.
3. Zyrtari i komunës nuk duhet të bëhet shkak që komuna të shpenzojë më shumë se sa është e nevojshme për transport, ushqim ose akomodim në lidhje me udhëtimet zyrtare.
4. Pas përfundimit të marrëdhënies së punës, të gjitha pajisjet e komunës të përdorura nga zyrtari i komunës, duhet të kthehen dhe çdo dokument zyrtar dhe e dhënë e ofruar duhet të mbetet në komunë. Qasja e zyrtarit të komunës në sistemet dhe informatat e përdorura, pas përfundimit të marrëdhënies së punës i ndërpritet.

**Neni 24**  
Punësimi dhe aktivitetet e jashtme

1. Zyrtari i komunës nuk duhet të punësohet ose të angazhohet në një veprimtari ose aktivitet të jashtëm, që pengon kryerjen e detyrës zyrtare, cenon në çfarëdo mënyre imazhin dhe reputacionin për realizimin e objektivave të institucionit.
2. Zyrtari i komunës për punësimin apo angazhimin në aktivitet të jashtëm duhet t'i njoftoj dhe kërkoj leje paraprakisht nga udhëheqësi drejtues, të informoj autoritetin përgjegjës në Institucion.
3. Zyrtari i komunës nuk mund të ngarkohet me detyra që mund të shkaktojnë konflikt të interesit, si p.sh.: funksione apo pozita të dyfishta brenda institucionit apo që kanë lidhje me komunën.
4. Zyrtari i komunës i cili ka interesa që përbëjnë rrezik real për konflikt interesit dhe do të sillte përjashtimin nga veprimtaria zyrtare apo pamundësinë për të ushtruar detyrat zyrtare, duhet të heqë dorë ose t'i transferoj këto interesa për të shmangur konfliktin e interesit.
5. Punësimi ose kryerja e veprimtarive private nga zyrtari i komunës, jashtë orarit zyrtar të punës, lejohet vetëm nëse nuk është në kundërshtim me funksionin zyrtarë.
6. Kur zyrtarit të komunës i lejohet të angazhohet në punë ose veprimtari të jashtme, nuk duhet të marr përsipër punësimin ose aktivitetin gjatë orarit të punës në komunë, të përdor pronën, pajisjet, dokumentet apo komunikimet e lidhura të komunës.

Neni 25  
Ngacmimi moral dhe seksual

1. Zyrtarit të komunës i ndalohet çdo sjellje veprim që përbën shqetësim moral dhe seksual i cila ka për qëllim ceniqmin e dinjitetit personal, dhe i cili krijon mjedisë kërcënues, armiqësor, poshtërues, përqmues dhe fyes.
2. Zyrtari i komunës duhet të reagojë, raportojë, kërkojë evidentimin dhe hetimin e rastit, në rast të ndonjë pretendimi për ngacmim seksual, duke mundësuar që viktima e ngacmimit seksual të mos frikësohet, të mos denigrohet dhe të mos injorohet pretendimi i tij/saj.

Neni 26  
Kufizimet pas largimit nga detyra

1. Gjatë ushtrimit të funksionit, zyrtari i komunës kryen detyrat pa u ndikuar nga mundësia e përfitimit në karrierën e tij/saj të ardhshme në sektorin privat dhe pa u ndikuar nga ish-kolegët.
2. Për një periudhë dy (2) vjeçare, pas largimit nga detyra, ish-zyrtari i komunës nuk duhet të përfaqësojë asnjë person apo organizatë në një konflikt ose marrëdhënie trëgtare me komunën, për detyrën që ka kryer ose në vazhdimësi të saj.
3. Zyrtari i komunës, pas largimit nga detyra, nuk duhet të ofrojë informacione konfidenciale sipas legjislacionit në fuqi të përfituar gjatë ushtrimit të funksionit.

Neni 27  
Mbrojtja e të dhënavës dhe konfidencialiteti

1. Zyrtari i komunës është i detyruar që të ruaj konfidencialitetin e të gjitha të dhënavë personale të qytetarëve për të cilat është në dijeni gjatë ushtrimit të veprimtarisë zyrtare.
2. Zyrtari i komunës duhet të ketë dijeni për statusin e konfidencialitetit të informacionit që marrin gjatë ushtrimit ose kryerjes së detyrave zyrtare.
3. Zyrtari i komunës, i cili merr informata konfidenciale, të privilegjuara, të mbrojtura gjatë ushtrimit, të funksioneve zyrtare, nuk duhet t'i shpalos këto informacione përvèç në ato raste kur kërkohet me ligj.

4. Zyrtari i komunës nuk duhet të përdor asnjë informacion konfidencial, të privilegjuar ose të mbrojtur të fituar gjatë ushtrimit të detyrave zyrtare për përfitimin personal ose për një qëllim tjetër.
5. Zyrtari i komunës edhe pas largimit nga puna, duhet të vazhdojë të ruajë konfidencialitetin në lidhje me detyrën e ushtruar, në përputhje me Ligjin përkatës për klasifikimin e informacionit dhe rregullat e sigurisë dhe Ligjin përkatës për mbrojtjen e të dhënave personale.

**Neni 28**  
**Shërbimet administrative ndaj qytetarëve**

1. Zyrtari i komunës u ofron qytetarëve këshilla për mënyrën se si zhvillohet një procedurë administrative në kuadër të fushëveprimit të tij/saj.
2. Qytetari duhet ti përmbahet veshjes në ketë kod 30% siç parashihet në nenin 7 që parashihet për Zyrtari/e e komunës:
  - 2.1 për femrat veshja mos të jetë e shumë e dukshme dlie mini fundi apo pantallonat mos të jenë shumë të shkurtë.
  - 2.2 për meshkuj veshja mos të jetë shumë e shkurtër.
3. Në rast që qytetari nuk i përmbahet paragrafit 2 të këtij nenit zyrtari nuk mund ti ofrojë shërbimet e kërkua apo ta hy në zyrën për të marrë shërbime.
4. Zyrtari i komunës kujdeset që informacioni i ofruar të jetë i qartë dhe i kuptueshëm për palën.
5. Zyrtari i komunës i cili pranon nga ana e qytetarëve kërkesë e cila nuk është në kuadër të kompetencës të tij/saj, duhet të transferojë kërkesën e tillë tek zyrtari përgjegjës për trajtimin e saj.
6. Zyrtari i komunës tek i cili është transferuar kjo kërkesë informon qytetarin për pranimin e kërkesës, si dhe për gabimet në plotësimin e kërkesës duke i dhënë mundësi për ti përmirësuar këto lëshime.

**KREU.IV**

**ZBATIMI DHE MASAT DISIPLINORE**

**Neni 29**

**Njoftimi me Kodin**

1. Pas miratimit të kodit, Njësia e Burimeve Njerëzore duhet të informojë zyrtarin e komunës për kodin, detyrimet dhe deklaratat e ndërlidhura në momentin e fillimit të punësimit ose mandatit të tij/saj.
2. Kodi shpërndahet tek çdo udhëheqës i njësisë organizative të komunës të cilët janë të detyruar të ndajnë me punëtorët e tyre.
3. Të gjithë nëpunësit dhe punonjësit e komunës duhet të njihen secili me Kodin e Etikës dhe nëse e shohin të nevojshme të kërkojnë sqarime dhe interpretime nga Njësia e Burimeve Njerëzore për kodin.

**Neni 30**

**Zbatimi i Kodit për zyrtarët publik**

1. Kodi i etikës duhet të zbatohet nga të gjithë zyrtarët publik.
2. Eprori ose organi mbikëqyrës i zyrtarit publik është përgjegjës për monitorimin e pajtueshmërisë së zyrtarit me rregullat e përcaktuara me këtë Kod.
3. Njësia e Burimeve Njerëzore është përgjegjëse për monitorimin dhe mbikëqyrjen e zbatimit të Kodit si dhe të zhvillojë trajnime për zyrtarët e komunës.

**Neni 31**

**Deklarimet e punonjësve**

1. Deklarimi se është njoftuar dhe ka pranuar një kopje të këtij kodit bëhet me shkrim duke përdorur formën e duhur e cila është shtojcë dhe pjesë përbërëse të këtij Kodi të Etikës. Kopja do të mbahet në dosjen e zyrtarit në përputhje me legjislacionin në fuqi.
2. Zyrtari i komunës është përgjegjës për të siguruar që eprori ose organi mbikëqyrës i tij/saj është i informuar për çdo ndryshim të rrethanave për të përditësuar deklarimet e tyre.

**Neni 32**  
Masat Disiplinore

1. Zyrtari publik që shkel dispozitat e përcaktuara në këtë Kod dhe veprimet e tij/saj që nuk përbejnë vepër penale, ndëshkohen me masat disiplinore në përputhje me legjislacionin në fuqi.
2. Çdo zyrtar i komunës që është në dijeni, dyshon për një shkelje të dispozitave të këtij Kodi, duhet të raportojë shkeljen te komisioni apo mbikëqyrësi i drejtpërdrejt.
3. Procedura disiplinore për zyrtarët publik zhvillohet sipas Ligjit për zyrtarët publik dhe akteve nënligjore.

**Neni 33**  
**Zbatimi i kodit dhe masave disiplinore për të zgjedhurit dhe të emëruarit politik**

1. Kryesuesi i Kuvendit të Komunës do të bëjë thirrje dhe kërkojë nga të zgjedhurit të respektojnë parimet e sjelljes dhe veshjes të përcaktuara në Kodin e Etikes.
2. Kryetari i komunës do të bëjë thirrje dhe kërkojë nga të emëruarit politik të respektojnë parimet e sjelljes dhe veshjes të përcaktuara në Kodin e Etikes.
3. Kryesuesi i Kuvendit të Komunës dhe Kryetari i Komunës do të monitorojë me kujdes maksimal zbatimin e parimeve të përcaktuara në këtë Kod, duke paralajmëruar në çdo kohë për detyrimet përfundimtare të zgjedhurit.
4. Të zgjedhurit dhe të emëruarit politik do t'i nënshtronen procedurës disiplinore të vendosur nga ky Kod në rast të shkeljes së ndonjë prej dispozitave të Kodit. Qëllimi i masës është që të dënohet publikisht sjellja e papranueshme në kundërshtim me këtë Kod dhe të ketë një ndikim moral në sjelljen e ardhshme të përfaqësuesit të zgjedhurit.
5. Masat për shkelje të Kodit të Etikes janë:
  - 5.1 Vërejtja publike - e cila shqiptohet në mbledhje të kuvendit dhe publikohet në ueb faqen zyrtare të komunës
  - 5.2 Dënim me ndalje deri në 15% të pagës për tre muaj.
6. Për të siguruar zbatimin e këtij kodi, Kuvendi i Komunës themelon një komision të kodit të etikës, si një organ punues me mandat të Kuvendit të Komunës.

## KODI I ETIKËS

7. Komisioni i Etikes monitoron zbatimin e kodit, dhe vepron sipas propozimeve individuale për përcaktimin e ekzistimit të një shkelje të kodit, paraqet raporte në kuvendin e komunës me rekomandime dhe ka kompjènca të tjera të përcaktuara me kod.
8. Komisioni përbëhet nga pesë (5) anëtarë, dy prej të cilëve janë nga anëtarët e kuvendit të komunës dy nga ekzekutivi dhe një nga qytetarët me integritet dhe të njojur publikisht të komunës. Komisioni zgjedh kryesuesin e komisionit nga anëtarët e tij/saj që janë anëtar të kuvendit të komunës. Të respektohet barazia gjinore.
9. Dispozitat e Rregullores së punës së Kuvendit të Komunës zbatohen përshtatshmërisë edhe për punën e komisionit të etikës.
10. Vendimi i komisionit është vendim përfundimtar në procedurën administrative.

Noni 34  
Hyrja në fuqi e Kodit

Kjo Rregulllore hynë në fuqi 15 (pesëmbëdhjetë) ditë pas regjistrimit në zyrën e protokollit të Ministrisë përgjegjëse për Vetëqeverisje Lokale, si dhe 7 (shtatë) ditë pas publikimit të tije në faqen zyrtare të Komunës.



DEKLARATA E PRANIMIT

Emri i plotë: \_\_\_\_\_

Pozita: \_\_\_\_\_

Unë, \_\_\_\_\_, zyrtar në komunën e Istogut, konfirmoj që e kam lexuar, kuptuar dhe pranuar Kodin Etik të komunës dhe duke nënshkruar këtë deklaratë pranoj të respektoj rregullat e përcaktuara në këtë Kod dhe të përmbush funksionet dhe detyrat e mia zyrtare me përpikëri dhe besnikëri sipas gjykimit dhe aftësive të mia më të mira.

Unë e pranoj se çdo shkelje e mundshme e këtij Kodi mund të rezultojë me nisjen e procédimeve disiplinore ose ligjore kundër meje.

Nënshkrimi \_\_\_\_\_

Data \_\_\_\_\_